



**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

3. Cur quidam in flore ætatis moriantur.

---

[urn:nbn:de:hbz:466:1-68709](#)

gnationem Principes impelluntur. Experti sunt Ganymedes & Hebe. In illum sic lusum est:

Quid sibi vult pronæ Phrygius puer urniger undæ?

Regia quem volucris nuper in astra tulit.

Siccine divini liquido pro nectare pocli

Pincernæ gelidas dextera fundit aquas?

Hæc Jovis ex Aula Ganymedis præmia? fusum

Principis ut vinum : gratia fluxa perit.

II. (b) Aliud ex Ganymede, sed imitationis documentum, *Virtus & forma* in eo certabant: hinc etiamnum adolescens in cælum raptus est. Qua re demonstrare voluerunt sapientes Ethnici ac Ethici, teste Cicerone i. Tuscul. Virum prudentem à Deo amari, & ipsum proximè accedere ad divinam mentem. Est enim Ganymedes anima hominis, quam ob eximiam virtutem Deus ad se raptit; quæ tanto est pulchrior, quanto innocentior, & à contagione corporis remotior. Pocula Jovi ministrata indicant: Deum mirificè delectari officiis sapientiæ, eaque quasi sitire. Pulchritudo Ganymedis, virtutis est imago, quam si oculis corporis liceret cernere, ut Plato ajebat, mirificos sui amores excitaret in animis hominum. Aquila subvexit Ganymedem in alta, quia sapientia perspicax est, & acie aquilinâ prædita. Hæc Mythologus i. c. Addo ego ex Alciati emblemate 4.

Consilium, mens atque Dei cui gaudia præstant,

Creditur is summo raptus adesse Jovi.

Tractum id ex Xenophontis Symposio; quō loco ait, Ganymedem non corporis, sed animi causā à Jove in cælum translatum, idque ipsum nominis etymo tradit, nam Γανυμῆδης dicitur, ὁ τὰ πάντα μένει, qui divinis consiliis lætatur. Claudio Minos in eundem locum.

III. (c) Per Ganymedis raptionem & in cælum translationem significatur, quosdam à Deo in ipso ætatis flore è vitâ evocari, ne proiectiores annis, in Numinis offensam, & salutis discrimen incurvant. Est enim Deus amator innocentiae. Sapientiæ 4. v. 11. dicitur. *Raptus est, ne malitia mutaret intellectum eius, & fictio (dolus) deciperet sensum eius.* Nam cum annis plerumque crescunt vitia, & turbidius fluit è cado, quidquid proprius fundo est. Prænoscit Deus pericula labendi, hinc dilectas sibi animas mature subducit iis. Propterea Salomon loc. cit. v. 14. *Placita enim erat Deo anima illius, propter quod properavit Dominus educere illum*

(c) *Virtus & Sapientia commandant formam, (d) Cur quidam in flore etiam moriantur.*

*illum de medio iniquitatum.* Iterumque v. 10. *Placens Deo factus est dilectus, & vivens inter peccatores, translatus est.* Id est, probitas fecit amabilem Deo: & ne pravis improborum verbis & exemplis corrumpetur, ac quasi contagio afflaretur, subtractus est discrimini; pergit Salomon v. 12. *Fascinatio nugacitatis obscurat bona, & inconstantia concupiscentia transvertit sensum sine malitia.* Id est, improbitas specie honesti frequenter perstringit oculos mentis (præsertim adolescentum) ut quæ bona vera sunt, non videat, & contra bona putet, quæ verè mala sunt; impetusque concupiscentiae, quo agimus & rotamur, animum sincerum, simplicem, innocentem colluvie vitiorum corruptit. Ibidem idem Sapientissimus Rex solatur parentes, ne lugeant præmaturum liberorum obitum, nam satis vixit, qui bene vixit, virtus non indiget annis; Hinc ille: *Senectus venerabilis est, non diuturna, neque annorum numero computata: cani autem sunt sensus hominis, & ætas senectutis vita immaculata.*

Quisquis enim sapiens est, satis senex & canus est, qui vitam vivit immaculatam, etiamsi juvenis sit, senilis tamen ætatis decus & laudem non amittit. Nam, ut codem loco, *Consummatus in brevi explevit tempora multa.* Ingens meritorum spatiū brevissimo tempore emensus est, & penè prius fuit in meta, quam in stadium procurrere cœpit. Unde S. Ambrosius in funere Theodosii Imp. Perfecta, ait, est ætas, ubi perfecta est virtus. Puer Alcanius à Marone commendatur. 9. Æneid.

Ante annos animumque gerens, curamque virilem.

Virtutis enim & sapientiae celerior cursus est, quam ætatis. Sunt quidam senes, bis pueri; & pueri ante ætatem senes. Senec. de Tranquill. c. 3. Nihil turpius, quam grandis natu senex, qui nullum aliud habet argumentū, quo prober se diu vixisse, præter ætatem. Mediolanensis Præf. in ps. 118. *Præveni in maturitate &c.* Præcurrat, inquit, ætatem, quisquis in adolescentiā positus, senilem gravitatem induit, & juveniles annos veteranā quadam continentiam regit: fervoremque virentis corporis, in cana morum maturitate componit. Et ibid. Quid potest habere laudis, si effœtum corpus voluptatibus, & jam senectutis gelu frigidum, ad sera devotionis officia, deposito jam segnior vigore convertat? Ganymedes neistar Jovi propinavit, id est, meliorem ætatis succum virtuti consecravit.

Fæx est & vappa, aut certè turbidum, quod ex sera senectute premitur. S. Chrysostomus in psal. 11. postquam exposuerat, neminem esse, qui non sibi eligat, servos & ancillas validas, vegetas, laboribus aptas; subjungit: quanto magis Deus vult adolescentiam, tanquam intactam

Virginem, sibi jungi, ut eius vita primitias ambiat: ne quis, cum juventutem peccando exhauserit, languidam ac enervatam senectutem, ac vitæ faciem virtuti (& Deo) reservet. Vidit id ipsum Seneca Epist. 108. Quid ergo cessamus, inquit, nos ipsi concitare, ut velocitatem rapidissimæ rei possimus æquare? Quemadmodum ex amphora primum, quod est sincerissimum effluit; gravissimum quodque, turbidumque subsidit; sic in ætate nostrâ, quod optimum, in primo est. Id exauriri in aliis potius patimur, ut nobis faciem reservemus. Hæc ethnicus Philosophus ipsis ethnicis exprobrat, quod nobiliores vita spiritus, & mustum juvenitatis in nequitias effundant, & exhauriunt; sibi autem ut in senectute vivant, viribus corporis & animi exhaustis, mentis ac rationis impotes, fæsem reservent. Quid ad hoc Christiani?

IV. (d) Jupiter Ganymedem feras venantem per aquilam in cœlum rapuit. Facit id virtus, quæ hominem brutas cupiditates, velut bestias, insectantem altius tollit, & ad cœlestium consortium evehit Jacobus Massen in spec. imag. Qui rem ad historiam referunt, inter quos est Eusebius, ajunt Ganymedem, minorem natu à fratribus interemptum; ad consolandas autem senis parentis (nempe Laomedontis, regis Troiæ) lacrimas, & leniendum desiderium, fingebant fuisse subtraustum à Jove, sub aquilinâ specie latente, inque cælum subiectum; quemadmodum olim filii Jacobi Patriarchæ, cum vendidissent Josephum fratrem, ingenio, formâ, vaticiniis spectabilem, mentiti sunt patri, ipsum alicubi à bestia raptum, devotumque fuisse. Rectè Plutarchus in Moralib. ubi nullum lumen, ibi nulla umbra: ubi nulla felicitas, ibi nulla invidia. Ubi mel, ibi fel: ubi uber, ibi tuber: virtus dum premitur, extollitur. Ganymedes exturbatur è numero hominum, ut sedem accipiat in Choro superum. Sic ita ad astra. Huc facit Epigramma:

Dum puer Iliacus disponit retia silvis,  
Atque agitat celeres per juga celsa feras.  
Ætheriis subito delabitur Ales ab oris  
Armiger, innoeuis unguibus heret onus:  
Felix præda volat frustra larrante Lycisca:  
Invidiam virtus non timet alta canem.



SYM-

(d) Virtus &amp; invidia Ganymedem subducere in astra.